

Na osnovu člana 4.2. i 4.7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05) i člana 49. stav (7) Pravilnika o licencama – prečišćeni tekst ("Službeni glasnik BiH", broj 63/16), na sjednici Državne regulatorne komisije za električnu energiju održanoj 07. novembra 2018. godine, donijeta je

ODLUKA O NASTAVKU KORIŠTENJA LICENCE

1. Nezavisni operator sistema u Bosni i Hercegovini, sa sjedištem u Sarajevu, Ulica Hamdije Čemerlića broj 2, vlasnik licence za obavljanje djelatnosti nezavisnog operatora sistema, registracijski broj 05-28-12-30-21/12 od 3. jula 2012. godine, nastavlja sa korištenjem ranije dodijeljene licence sa sjedištem u Sarajevu, Ulica Hifzi Bjelevca broj 17, uz neizmijenjene uvjete licence.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH" i službenim glasilima entiteta.

Obrazloženje

Nezavisni operator sistema u Bosni i Hercegovini, sa sjedištem u Sarajevu, u Ulici Hamdije Čemerlića broj 2, vlasnik je licence za obavljanje djelatnosti nezavisnog operatora sistema koja mu je izdata Odlukom Državne regulatorne komisije za električnu energiju (u daljem tekstu: DERK), broj 05-28-12-30-20/12 od 3. jula 2012. godine, na period od 12. jula 2012. godine do 11. jula 2019. godine.

Vlasnik licence je aktom od 24. oktobra 2018. godine, zavedenim pod brojem 05-28-12-422-1/18, obavijestio DERK o promjeni adrese sjedišta, sa traženjem da se ovi podaci izmijene u službenim evidencijama DERK-a.

Prijava izmijenjenih podataka potkrijepljena je odgovarajućom dokumentacijom, te je uvidom u Rješenje Ministarstva pravde Bosne i Hercegovine broj UP09-07-9-2180/18 od 24. septembra 2018. godine, utvrđeno da je u Registru pravnih osoba Bosne i Hercegovine upisana promjena adrese subjekta upisa, tako da se umjesto Sarajevo, Ulica Hamdije Čemerlića broj 2 upisuje Sarajevo, Ulica Hifzi Bjelevca broj 17.

Imajući u vidu da se, shodno Pravilniku o licencama, promjenom licence ne smatra promjena naziva, sjedišta ili adrese vlasnika licence, a uvažavajući činjenicu da promijenjeni podaci nemaju utjecaj na pravni položaj vlasnika licence i daljnje nesmetano korištenje licence od strane iste pravne osobe, to je na osnovu člana 49. stav (7) Pravilnika o licencama donijeta odluka kao u dispozitivu.

U skladu sa članom 9.2. Zakona o prijenosu, regulatoru i operatoru sistema električne energije u Bosni i Hercegovini, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-422-2/18

07. novembra 2018. godine

Tuzla

Predsjedavajući Komisije

Milorad Tuševljak